



ქალაქ ფოთის მუნიციპალიტეტის საკრებულო



განკარგულება № 11/74

2022 წლის 31 ოქტომბერი

ქალაქი ფოთი

ქალაქ ფოთის მუნიციპალიტეტის ტერიტორიაზე იმ გზების სიის დამტკიცების შესახებ, რომლებზედაც დაუშვებელია სატრანსპორტო საშუალების პრაქტიკული მართვის სწავლება (სასწავლო სვლა)

ქალაქ ფოთის მუნიციპალიტეტის საკრებულო აღნიშნავს, რომ „საგზაო მოძრაობის შესახებ“ საქართველოს კანონის 61-ე მუხლის მე-2 პუნქტის შესაბამისად, სატრანსპორტო საშუალების პრაქტიკული მართვის სწავლების (სასწავლო სვლის) განხორციელება დასაშვებია საქართველოს კანონმდებლობით დადგენილ მოთხოვნათა გათვალისწინებით და დადგენილი წესით, დახურულ მოედანზე, ავტოდრომსა და გზაზე. სასწავლო სვლის განხორციელება დაუშვებელია ავტომაგისტრალზე, ავტომაგისტრალის შესასვლელსა და გამოსასვლელში, ქვეითთა ზონად გამოცხადებულ ადგილზე, საცხოვრებელ ზონაში, 1,24 საგზაო ნიშნის (ბავშვები) მოქმედების ზონაში, საგამოცდო მარშრუტსა და იმ გზაზე, რომელიც შეტანილია შესაბამისი მუნიციპალიტეტის ორგანოს მიერ დამტკიცებულ სიაში. მუნიციპალიტეტის ორგანო უფლებამოსილია დაამტკიცოს აღნიშნული მუნიციპალიტეტის ტერიტორიაზე არსებული იმ გზების სია, სადაც სასწავლო სვლის განხორციელება დაუშვებელია.

საქართველოს ზოგადი ადმინისტრაციული კოდექსის 96-ე მუხლის პირველი ნაწილის შესაბამისად, ადმინისტრაციული ორგანო ვალდებულია ადმინისტრაციული წარმოებისას გამოიკვლიოს საქმისათვის მნიშვნელობის მქონე ყველა გარემოება და გადაწყვეტილება მიიღოს ამ გარემოებათა შეფასებისა და ურთიერთშეჯერების საფუძველზე. აღნიშნული ნორმის შესაბამისად, ზემოხსენებული საკითხი შეთანხმდა, საქართველოს შინაგან საქმეთა სამინისტროს საპატრულო პოლიციის დეპარტამენტის სამეგრელო-ზემო სვანეთის მთავარ სამმართველოსთან (2022 წლის 15 სექტემბრის N MIA 32202580739 წერილი), საქართველოს შინაგან საქმეთა სამინისტროს -სსიპ- მომსახურების სააგენტოს იურიდიული სამმართველოს სასამართლოებთან ურთიერთობისა და სამართალშემოქმედების სამსახურთან (2022 წლის 9 სექტემბრის N MIA 5 22 02527730 წერილი).

აღნიშნულიდან გამომდინარე:

მუხლი 1.

- 1.დამტკიცდეს ქალაქ ფოთის მუნიციპალიტეტის ტერიტორიაზე იმ გზების თანდართული სია (დანართი 1), რომლებზედაც დაუშვებელია სატრანსპორტო საშუალების პრაქტიკული მართვის სწავლება (სასწავლო სვლა).
- 2.ცნობად იქნეს მიღებული ის გარემოება, რომ „საგზაო მოძრაობის შესახებ“ საქართველოს კანონის 61-ე მუხლის მე-2 პუნქტის, „სატრანსპორტო საშუალებათა მართვის უფლების მისაღები გამოცდის

ჩატარების, მართვის უფლების მინიჭების, გაუქმების, შეჩერებული, ჩამორთმეული ან შეწყვეტილი (გაუქმებული) მართვის უფლების აღდგენის, მართვის მოწმობის, ტრამვაის მართვის მოწმობისა და საერთაშორისო მართვის მოწმობის გაცემის (მათ შორის, შეცვლისა და აღდგენის) და გაუქმების, მართვის მოწმობათა გაცემის რეესტრის წარმოების, აგრეთვე უცხო ქვეყნის მიერ გაცემული სატრანსპორტო საშუალებათა მართვის უფლების დამადასტურებელი დოკუმენტის შეცვლისა და აღიარების წესისა და პირობების დამტკიცების შესახებ“ საქართველოს შინაგან საქმეთა მინისტრის 2012 წლის 1 აგვისტოს №598 ბრძანების დანართი 5-ის (ქალაქი ფოთი, საგამოცდო მარშრუტი – №1, №2, №3) შესაბამისად, ქალაქ ფოთის მუნიციპალიტეტში, საგამოცდო მარშრუტებზე, სასწავლო სვლის განხორციელება დაუშვებელია.

3.ძალადაკარგულად გამოცხადდეს „ქალაქ ფოთის მუნიციპალიტეტის ტერიტორიაზე იმ გზების სიის დამტკიცების შესახებ, რომლებზედაც ნებადართულია სატრანსპორტო საშუალების პრაქტიკული მართვის სწავლება (სასწავლო სვლა)“ ქალაქ ფოთის მუნიციპალიტეტის საკრებულოს 2017 წლის 16 ივნისის №14/37 განკარგულება.


მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2022 წლის 31 ოქტომბრიდან.

საკრებულოს თავმჯდომარე



ალექსანდრე ტყეშუავა

ქალაქ ფოთის მუნიციპალიტეტის ტერიტორიაზე იმ გზების სია, რომლებზედაც დაუშვებელია სატრანსპორტო საშუალების პრაქტიკული მართვის სწავლება (სასწავლო სვლა)

1. ალექსანდრე ჭავჭავაძის ქუჩა;
2. სამეგრელოს ქუჩა;
3. ხობის ქუჩა;
4. ლარნაკას ქუჩა;
5. 8 მარტის ქუჩა;
6. წმინდა გიორგის ქუჩა;
7. აკაკი წერეთლის ქუჩა;
8. დავით აღმაშენებლის ქუჩა;
9. ვალერი გეგიძის ქუჩა;
10. ვახტანგ გორგასლის ქუჩა;
11. ნიკო ნიკოლაძის სანაპირო.

სხვადასხვა ქუჩები, სადაც მდებარეობს სკოლები, ბაგა-ბაღები

1. ნინო ჟვანიას ქუჩა (№2 საჯარო სკოლა);
2. ვლადიმერ ზამზახიძის ქუჩა (№3 საჯარო სკოლა, ბაგა-ბაღი);
3. დიმიტრი თავდადებულის ქუჩა (№4 საჯარო სკოლა, სკოლა „გიმნაზია“);
4. გიორგი ვატაევის ქუჩა (№5 საჯარო სკოლა -პირველი კორპუსი);
5. თამარ მეფის ქუჩა (№5 საჯარო სკოლა - მე-2 კორპუსი, ბაგა-ბაღი);
6. თეოფანე დავითაიას ქუჩა (№6 საჯარო სკოლა);
7. გიორგი ჭყონდიდელის ქუჩა (№7 საჯარო სკოლა);
8. ნელი არზიანის ქუჩა (№8 საჯარო სკოლა);
9. შავი ზღვის ქუჩა (№11 საჯარო სკოლა);
10. ვიქტორ კრატასიუკის ქუჩა (№12 საჯარო სკოლა);
11. პოლიკარპე ზერაგიას ქუჩა (აფხაზეთის №21 საჯარო სკოლა);
12. გურიის ქუჩა (სასულიერო სკოლა „გიმნაზია“);
13. პირველი მაისის ქუჩა (ბაგა-ბაღი);
14. მამუკა კაცაძის ქუჩა (ბაგა-ბაღი);
15. კოტე მარჯანიშვილის ქუჩა (ბაგა-ბაღი);
16. გელა ჯიქიას ქუჩა (ბაგა-ბაღი);
17. ოთარ კიკალეიშვილის ქუჩა (ბაგა-ბაღი).

საკრებულოს თავმჯდომარე



ალექსანდრე ტყებუჩავა